

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON / KANTON SREDIŠNJA BOSNA
OPĆINSKI SUD U JAJCU
Broj: 128 0 Su 45219 25 Su
Jajce, 16.06.2025 god.

Na osnovu člana 31. a u vezi sa članom 45. i 46. Zakona o sudovima u Federaciji Bosne i Hercegovine („Službene novine FBiH“, broj: 38/05, 22/06, 63/10, 72/10, 7/13), i člana 34. i 42. Pravilnika o unutrašnjoj organizaciji i sistematizaciji radnih mjesta Općinskog suda u Jajcu, Predsjednica suda objavljuje:

JAVNI KONKURS
za prijem sudskog pripravnika - volontera
u Općinskom sudu u Jajcu na određeno vrijeme

1. Sudski pripravnik-volonter (Lice na stručnom osposobljavanju za rad u struci bez zasnivanja radnog odnosa).....1 izvršilac,

Opis poslova: pod nadzorom sudije ili stručnog saradnika pripravnik-volonter može obavljati iste poslove kao i stručni saradnici (pomažu sudijama u radu, vrše analizu pravnih pitanja, pripremaju predmete za suđenje, samostalno ili pod nadzorom i uputama sudije vrše i druge stručne poslove predviđene Zakonom), s tim što ne može donositi odluke u predmetima, vodi dnevnik rada te obavlja i druge poslove po naredbi predsjednice suda.

Uslovi: Pored općih uslova predviđenih članom 25. Zakona o državnoj službi u FBiH (da je državljanin BiH, da je stariji od 18 godina, da je zdravstveno sposoban za obavljanje poslova na koje se prijavljuje, da ima univerzitetsku diplomu VSS, -VII stepen stručne spreme, pravni fakultet ili visoko obrazovanje prvog ili drugog ciklusa pravne struke, univerzitetskog studija, bolonjskog Sistema studiranja, koje se vrednuje sa najmanje 240 ECTS bodova, da nije obuhvaćen odredbom člana IX.1. Ustava BiH, da se protiv kandidata ne vodi krivični postupak), kandidat za pripravnika-volontera treba ispunjavati i **posebne uslove** oglasa i to: VII stepen stručne spreme-pravni fakultet, odnosno visoko obrazovanje pravne struke prvog ili drugog ciklusa univerzitetskog studija, bolonjskog sistema studiranja, (najmanje 240 ECTS bodova).

Uz prijavu na oglas koja sadrži kraću biografiju, adresu i kontakt telefon, kandidat mora podnijeti sljedeće dokumente u **originalu ili ovjerenoj fotokopiji** (ovjera ne smije biti starija od 6 mjeseci):

1. Diplomu ili uvjerenje o vrsti i stepenu školske spreme, nostrificirana diploma ukoliko fakultet nije završen u BiH,
2. Izjavu ovjerenu od strane nadležnog organa da nije obuhvaćen članom IX 1. Ustava Bosne i Hercegovine,
3. Uvjerenje suda o nevođenju krivičnog postupka,
4. Fotokopiju lične karte ili potvrdu o prebivalištu,
5. Uvjerenje da se kandidat nalazi na evidenciji Zavoda za zapošljavanje i od kada.

Izabrani kandidat dužan je donijeti ljekarsko uvjerenje prije stupanja u rad u sudu.

Sa kandidatima čije prijave budu blagovremene i potpune obaviti će se usmeni intervju sa pitanjima iz pojedinih oblasti prava.

Prijem sudskog pripravnika- volontera za sticanje odgovarajućeg radnog iskustva vršit će se na period od dvije godine.

Prijavu sa biografijom i dokazima o ispunjavanju općih i posebnih uslova dostaviti, neposredno ili preporučeno putem pošte na adresu:

Općinski sud u Jajce
ul. Nikole Šopa bb
70101 Jajce
(sa naznakom za „Javni konkurs “)

Napomena:

Konkurs ostaje otvoren 15 dana od dana objavljivanja. Neblagovremene i nepotpune prijave neće biti razmatrane.

